



PREGO DE PRESCRICIÓNS TÉCNICAS PARTICULARES PARA O CONTRATO PARA A INSTALACIÓN DE ELEMENTOS VEXETAIS E NON VEXETAIS PARA A DECORACIÓN DO NADAL

CLÁUSULA 1.- OBXECTO

O presente prego ten por obxecto especificar as condicións técnicas que regularán a instalación, posta en funcionamento, mantemento e posterior retirada dos elementos decorativos vexetais e non vexetais con motivos do Nadal que lucirán nas principais áreas comerciais da cidade de Vigo referidas no **Anexo I** (proxecto decorativo), que inclúe as fotografías das zonas e a relación destas.

CLÁUSULA 2.- DESCRICIÓN DO SERVIZO

2.1.- Instalacións

2.1.1.- Características xerais

O adxudicatario realizará a instalación da decoración nos lugares e rúas que se determinan no presente proxecto, repartindo uniformemente no espazo dispoñible a totalidade dos elementos decorativos vexetais e non vexetais propostos para cada unha delas. A colocación dos elementos decorativos será tal que manteña, na medida do posible, unha interdistancia fixa entre eles.

O adxudicatario debe garantir unha eficaz e permanente dispoñibilidade do servizo durante as 24 horas do día durante o período de Nadal, sendo pola súa conta a substitución de todos os elementos danados ou que non cumpran as especificacións requiridas.

A empresa adxudicataria terá dereito a esixir a non intervención nas instalacións da súa competencia de terceiras persoas durante o período do contrato, salvo inspección dos servizos técnicos municipais e persoas ou entidades autorizadas por estes.

2.1.2.- Elementos decorativos vexetais e non vexetais

Tomaranse como referencia os elementos decorativos indicados no proxecto que se achega.

Os elementos decorativos serán de dous tipos: vexetais e non vexetais. O tipo de adorno proposto serán definidos tomando como referencia o proxecto achegado.

2.1.2.1 Elementos vexetais

Plantas, arbustos, árbores, tepe e outras especies de tipo similar relacionadas coa temática de Nadal serán os elementos vexetais que formen parte dos diferentes xardíns efémeros das distintas zonas da cidade indicadas no presente proxecto. As características dos elementos vexetais deberán cumprir os seguintes requisitos:





1. Arbustos

- a) As plantas pertencerán ás especies, variedades ou cultivares seleccionados.
- b) As plantas deberan estar libres de enfermidades e de signos ou síntomas destas. Non amosarán defectos causados por enfermidades, pragas, fisiopatías, deficiencias nutricionais ou fitotoxicidade.
- c) Estarán ben formados e suficientemente endurecidos, para que non perigue o seu arraigue e desenvolvemento futuro.
- d) A altura, envergadura, compacidade e a densidade da follaxe, así como o número, distribución, diámetro e lonxitude dos tallos principais, deberán corresponder ás características de crecemento e estéticas da especie a cultivar á que pertencen, á formación que se lle quixera dar e á idade do individuo, en proporcións bens equilibradas.
- e) As plantas trepadoras estarán titoradas. Os titores terán, como mínimo, a mesma medida que a altura da planta. As fixacións non provocarán feridas nin estrangulamentos.
- f) O sistema radical deberá estar ben desenvolto, equilibrado e proporcionado, e deberá corresponder, tanto en forma como en tamaño, ás características da especie ou cultivar, e á idade da planta e ao seu crecemento.
- g) As raíces non presentarán síntomas de espiralización nin sobresairán significativamente a través dos orificios de drenaxe.
- h) As plantas cultivadas en contedor deberán ter sido transplantadas co tempo suficiente para que as novas raíces se desenvolvan de tal xeito que no momento da instalación o cepellón manteña a súa forma, estea suficientemente cohexionado e sexa compacto cando sexa extraído.
- i) Os contedores nos que se presentan deberán ser capaces de manter un bo desenvolvemento das raíces novas e serán suficientemente ríxidos para aguantar a forma do cepellón e protexer as raíces durante o transporte.
- j) Deberá haber un equilibrio e unha adecuada proporción entre o tamaño da parte aérea e da parte subterránea (sistema radical e volume do contedor).

2. Árbores

- a) As árbores pertencerán ás especies, variedades ou cultivares seleccionados.



Copia auténtica do orixinal - Concello de Vigo	Data impresión: 10/08/2017 12:06	Páxina 2 de 15
Aprobado en Xunta de Goberno do 10/08/2017	Código de verificación: 22E44-8454C-52E54-5E2BB	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica http://www.vigo.org/csv		



- b) As árbores estarán sans e ben formadas, non amosarán defectos causados por enfermidades, pragas ou medidas de cultivo que reduzan o seu valor, nin presentarán feridas na cortiza salvo os cortes de poda.
- c) A altura, anchura da copa, lonxitude das polas, ramificacións e follas corresponderán á idade do exemplar segundo a especie ou variedade en proporcións equilibradas unhas coas outras.
- d) O cepellón será proporcional á especie ou variedade e ao tamaño da planta; terá un bo sistema radicular, e estará libre de malas herbas.
- e) As árbores que se presentan a raíz espida contarán cun sistema radical ben ramificado, non excesivamente podado, sen síntomas de deshidratación e coa copa aclarada, mantendo o equilibrio entre a parte aérea e a parte subterránea.
- f) As árbores instaladas en contedor deberán dispoñer dun volume de contedor proporcional ao tamaño da arbore. Así, unha árbore de calibre 16/18 presentase nun contedor de, como mínimo, 35 litros.
- g) O sistema radical das árbores será equilibrado e ben formado, non presentará raíces danadas (esmagadas, deshidratadas) nin espiraladas.
- h) Cada lote instalado da mesma especie terá homoxeneidade entre os troncos e as copas.

3. Planta de tempada

- a) As plantas de tempada subministraranse en maceta que permitirá que as raíces se desenvolvan de tal xeito que na instalación o cepellón manteña a súa forma, estea suficientemente cohesionado, sen sobresaír significativamente a través dos orificios de drenaxe, e aguante a forma compacta ó extraelo.
- b) As plantas pertencerán ás especies, variedades ou cultivares similares ás indicadas no anexo.
- c) As plantas estarán sans, ben formadas e seu desenvolvemento será tal que enchan completamente as macetas e presentarán a lo menos unha flor aberta.





EXP: 4526-106

4. Tepe

- a) Os céspedes instalados en tepes deben de ter identidade e pureza de lote adecuadas en relación á especie ou cultivar. Virán libres de malas herbas.
- b) Os tepes deberán proceder de sementes seleccionadas e controladas.
- c) Os tepes estarán libres de enfermidades e de sinais ou síntomas de estas. Non mostrarán defectos causados por enfermidades, pragas, fisiopatías, deficiencias nutricionais ou fitotoxicidade.
- d) O substrato dos tepes terá preferentemente una textura franco-areosa e con un contido de arxila entre o 6-12%.

2.1.2.2 Elementos non vexetais

Madeira, aceiro, aluminio, metacrilato, vidro... e outros materiais de tipo similar serán os elementos non vexetais que se utilizarán como soporte, estrutura... na parte estética, segundo o presente proxecto. Non poderán conter arestas ou eivas que poidan ser obxecto de perigosidade para o cidadán e deberán cumprir coa normativa de seguridade e saúde laboral.

2.2.- Proxecto decorativo

O licitador incluírá na súa proposta explicitamente para cada rúa obxecto do contrato a ficha técnica dos elementos que oferte. Esta ficha técnica incluírá, entre outras, as dimensións e forma exteriores do elemento, o debuxo ou figura que represente, as cores de cada parte, e a potencia eléctrica, no caso de contar con iluminación complementaria.

Todos os elementos do proxecto decorativo cumprirán as características referidas neste prego.

2.3.- Stock de seguridade:

O contratista deberá dispor ao inicio do período de probas, e mantelo durante todo o período de decoración, dun stock de seguridade de polo menos o 10% de elementos idénticos aos indicados no contrato. Estes elementos estarán dispoñibles para facer fronte ás substitucións que sexan precisas durante todo o período de decoración do Nadal.

O stock de seguridade estará fisicamente accesible no lugar que o contratista dispoña para tal efecto nun tempo de reposta máximo dunha hora, onde tamén estarán situados os medios e persoal necesario para a prestación do servizo requirido, e será accesible e revisable polo responsable do contrato durante o período de probas e en calquera outro momento do período do Nadal.



Copia auténtica do orixinal - Concello de Vigo	Data impresión: 10/08/2017 12:06	Páxina 4 de 15
Aprobado en Xunta de Goberno do 10/08/2017	Código de verificación: 22E44-8454C-52E54-5E2BB	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica http://www.vigo.org/csv		



CLÁUSULA 3.- CONDICIÓN DA INSTALACIÓN E POSTERIOR RETIRADA DOS ELEMENTOS DECORATIVOS

1. A empresa adxudicataria realizará ao seu cargo todas as instalacións necesarias para prestar o servizo contratado que se indica neste prego. O proceso de montaxe contemplará a provisión, transporte, carga, descarga e instalación dos elementos decorativos, así como todos aqueles elementos auxiliares que permitan o seu correcto funcionamento. O proceso da desmontaxe será o inverso.
2. A empresa adxudicataria deseñará cantas medidas de seguridade sexan precisas, en especial sobrecargas de uso admisibles. coeficientes de seguridade, etc... para que todos os elementos queden correctamente instalados sen que supoñan ningún risco para as persoas ou bens.
3. As condicións de instalación serán tales que permitan a circulación de persoas e/ou vehículos sen xerar ningún tipo de molestia ao desenvolvemento da actividade comercial da zona a considerar.
4. Para realizar a instalación e posterior retirada, o contratista solicitará todos os permisos e autorizacións necesarios os cales serán da súa conta e cargo. Empregará a maquinaria e persoal comercial suficiente para minimizar as molestias aos cidadáns e garantirá a seguridade viaria durante todo o proceso.
5. Os traballos realizaranse preferiblemente en horario que non moleste a actividade da zona salvo outra autorización expresa do responsable do contrato. Deberá acoutarse completamente a zona de actuación con valado de obra suficientemente estable, consistente e perfectamente aliñado, mantendo este balizado e visible. Colocarase a cantidade suficiente de sinais e medios de protección para evitar accidentes tanto do seu propio persoal como a terceiros, sendo o contratista o único responsable por este motivo.
6. O balizamento necesario durante a instalación da empresa adicados a este proxecto irán convenientemente identificados e rotulados mediante anagramas visibles nos que se indique a lenda: "**CONCELLO DE VIGO, DECORACIÓN DE NADAL**".
7. No período de probas, o contratista realizará todas aquelas que estime necesarias así como as que lle esixan o responsable do contrato e o director técnico da obra, que velarán pola correcta colocación e funcionamento de todo o material instalado. Os técnicos municipais verificarán xunto co contratista as probas realizadas ata quedar de acordo coas esixencias previstas no presente prego e demais normativa vixente.
8. Todos os materiais empregados serán da máxima calidade, cumprindo coa normativa vixente e homologados polos organismos correspondentes cando sexa preceptivo.
9. O contratista deberá entregar no Concello copia de toda a documentación asociada á legalización das instalacións, así como un documento resumo ao final de cada campaña que incluírá un dossier fotográfico, vídeo e planos das actuacións executadas.





10. Durante o período da desmontaxe, eliminaranse todos os elementos da instalación salvo aqueles que, consensuadamente coa empresa, consideren o responsable do contrato que non molestan e sirvan para futuros exercicios. Será obrigatoria e pola súa conta, a correcta xestión dos residuos xerados en todo o proceso.

CLÁUSULA 4.- SERVIZO DE GARDA

No período de decoración (23 de novembro de 2017 - 7 de xaneiro de 2018), incluíndo os días festivos e en especial as noites dos días 24 e 31 de decembro, e a tarde do día 5 de xaneiro, así como particularmente os días de temporal, o contratista estará obrigado a manter un servizo de garda, cuberto por un retén con persoal, mínimo de unha brigada formada por oficial e axudante, vehículos e ferramentas suficientes para atender os danos que se produzan. O retén de garda será quen de reparar os danos detectados ou atender os avisos recibidos sexa cal sexa a súa natureza (incluso elementos destruídos, descolgados, desprazados, caídos ou desorientados). Para isto contará con persoal suficiente, dotado dos medios técnicos e os vehículos axeitados aos cometidos descritos.

O persoal do retén de garda disporá dunha liña de teléfono móbil propio para recibir avisos e comunicar incidencias que estará operativo ás 24 horas do día. O número de teléfono e o e-mail deberá enviárselle ao servizo municipal cun mínimo de dez días de antelación ao inicio da decoración, ao obxecto de que o Concello poida dalo a coñecer aos cidadáns.

Ao obxecto de garantir o bo funcionamento do servizo o contratista deberá nomear unha persoa como interlocutor válido co persoal técnico do Concello. Para tal efecto esta persoa deberá estar dispoñible para calquera xestión nun prazo máximo de 1 hora ás 24 horas do día.

4.1.- Tempos de intervención e reparación

O servizo de garda realizará a reparación de cantos danos se produzan e/ou defectos se detecten, comprometéndose a intervir, chegando ao punto do destrozo, nun tempo non superior a unha hora despois de recibido o aviso, e a ter reparada esta ou substituído o elemento nun tempo non superior a catro horas despois da recepción do aviso. Non se define coeficiente de simultaneidade polo que estes tempos serán os mesmos independentemente do número de danos simultáneos que se produzan.

Os elementos substituídos serán repostos sempre por outros do mesmo modelo e características que o orixinal procedente do stock de seguridade, quedando expresamente prohibido calquera modelo diferente ou de características inferiores sen a autorización expresa dos servizos técnicos municipais.

CLÁUSULA 5.- MANTEMENTO DE EQUIPOS

Defínese "mantemento" como o conxunto de operacións e coidados precisos para que as instalacións da decoración do Nadal obxecto deste contrato poidan funcionar axeitadamente de maneira continuada. Neste sentido, realizarase diariamente a





EXP: 4526-106

revisión do funcionamento da decoración a fin de manter os elementos vexetais e non vexetais en correcto estado.

O servizo de mantemento será quen de inspeccionar todos os elementos en horario nocturno para acadar este obxectivo.

Os traballos de mantemento deberán realizarse conforme ao especificado no Plan de mantemento recollido na **Cláusula 7** do presente prego, para que as instalacións permanezan en perfecto estado de funcionamento durante o período decorativo.

CLÁUSULA 6.- DANOS SOBRE AS INSTALACIÓNS DE DECORACIÓN ORNAMENTAL DO NADAL

As instalacións decorativas do Nadal obxecto do contrato son realizadas pola empresa adxudicataria e o Concello non se responsabiliza en ningún caso dos danos que sobre elas se poidan producir.

Será responsabilidade do contratista realizar un axeitado programa de mantemento para conservarlas en perfecto estado tal como se esixe neste prego, pero tamén son susceptibles de sufrir danos provocados por terceiros ou por causas de forza maior. En ningún destes supostos poderá reclamarse os danos contra o Concello de Vigo, sendo o adxudicatario o responsable de protexerse nestes casos polos medios que en dereito estime convenientes.

Serán por conta do adxudicatario as reclamacións contra terceiros por danos producidos sobre as instalacións obxecto do contrato como propietario destas. O Concello colaborará coa empresa na medida das súas posibilidades para identificar ao causante destes.

En todo caso, independentemente das accións legais que procedan e as indemnizacións ás que houbera lugar, a empresa deberá reparar e substituír de inmediato os elementos danados para repoñer o servizo nas condicións establecidas neste prego.

CLÁUSULA 7.- PLAN DE MANTEMENTO

O plan de mantemento describe as tarefas e o alcance das operacións a desenvolver sobre as instalacións decorativas do Nadal, elementos vexetais e non vexetais, obxecto do presente prego durante a prestación do servizo. Inclúe as labores de revisión e vixilancia e a reparación de danos para acadar o máximo rendemento e seguridade na explotación das instalacións.

O mantemento incluírá comprobacións, substitucións e probas de elementos, equipos e instalacións, incluso que obriguen a efectuar desmontaxes, axustes, regulacións, limpeza e cantas manipulacións se requiran para que todas as instalacións e motivos decorativos do Nadal obxecto deste prego teñan un correcto funcionamento e cumpran coas especificacións aquí contidas, as esixencias do servizo técnico municipal e as recomendacións dos fabricantes dos elementos non vexetais.

As operacións de mantemento pódense clasificar, segundo a motivación que provoca a intervención, en operacións de mantemento preventivo e correctivo.





7. 1.- Mantemento preventivo

Dentro do mantemento preventivo existen dous tipos de actuacións, as que se realizan de xeito continuo e as que se programan periodicamente.

7.1.1.- Mantemento preventivo de xeito continuo

Enténdese como procedemento de mantemento preventivo de xeito continuo, aquelas tarefas de revisión dos elementos vexetais e non vexetais, así como aqueloutras accións que se deban realizar unha ou varias veces ao día, que non teñen periodicidade fixa senón que deber realizarse con suficiente asiduidade para garantir a detección e emende con anticipación dos posibles erros. Estas actuacións poden ser inspeccións, verificacións funcionais e revisións periódicas que poden incluír substitucións de elementos desgastados ou danados non reparables. Este mantemento preventivo de xeito continuo será realizado polo contratista que deberá realizar cando menos unha ronda a todas e cada unha das instalacións decorativas do Nadal obxecto deste prego que consistiría en:

a) Realizar inspección visual para verificar o estado dos elementos vexetais así como dos diferentes elementos non vexetais no relativo á decoración e frescura dos vexetais e a integridade e confinamento no relativo aos elementos non vexetais.

Para as festas de Noiteboa, Nadal, Fin de ano, Aninovo, véspera de Reis e día de Reis, o servizo disporá dos mesmos medios que o resto dos días do período decorativo, para atender ás instalacións nos mesmos tempos de resposta e de reparación obrigados no prego.

7.1.2.- Mantemento preventivo programado

O desenvolvemento do Plan de mantemento implicará a realización dunha serie de operacións de mantemento programadas, que o adxudicatario deberá levar a cabo cando menos coa periodicidade detallada a continuación:

Elemento	Tarefa	Frecuencia
Elementos de decoración do Nadal(elementos vexetais e non vexetais)	Revisión e substitución de parte ou da totalidade do elemento danado.	Diaria cada 24 horas
	Limpeza (se fose necesario) do elemento.	
	Comprobación do correcto estado dos elementos.	
Estrutura-soporte dos elementos	Comprobación mecánica da estrutura-soporte dos elementos non vexetais.	Diaria cada 24 horas





Comprobación do estado físico dos soportes e accesorios.

Pintado dos soportes se fose necesario.

7.2.- Mantemento correctivo

Defínese como mantemento correctivo o conxunto de accións ou intervencións necesarias para solventar os danos que se orixinen nos elementos vexetais e non vexetais e que deixen a estes, total ou parcialmente, fóra de servizo ou nun estado non aceptable ao criterio do responsable do contrato.

No mantemento correctivo repararanse e substituiranse os elementos vexetais e non vexetais que se atopasen en mal estado de conservación e/ou deteriorados; así mesmo, procederase á substitución de todos os elementos vexetais deteriorados: plantas, arbustos, árbore, tepe... que se tivera detectado nas fases de mantemento preventivo ou mediante avisos recibidos por outras canles calquera que sexan estas. Os tempos máximos de intervención (ata chegar á zona determinada) e resolución (ata restablecer o servizo), quedan definidos nos pregos.

Procurarase reparar "in situ" sempre que sexa posible e non afecte á seguridade nin á fluidez do tráfico. Para isto o retén de mantemento irá dotado dos medios e vehículos axeitados, con stock de repostos e instrumentación suficiente.

As roturas ou danos ocasionados aos elementos tanto vexetais como non vexetais solventaranse sempre coa substitución por outros novos ao cargo do contratista.

8. MEDICIÓNS E ORZAMENTO

Ref	Referencia	Canti t.	Prezo	Importe
SET 1	Caseta do Nadal con entrada para "photocall".	1		11.450,00 €
SET 2	Bonecos de madeira no Museo Marco	1		6.400,00 €
SET 3	Illote central 1 (farol con banco)	1		1.200,00 €
SET 3	Illote central 2 (candil xigante con escena do Nadal)	1		6.040,00 €
SET 3	Illote central 3 (pobo do Nadal)	1		11.160,00 €
SET 3	Illote central 4 (pobo do Nadal)	1		6.750,00 €
SET 4	Trineo con renos.	1		15.360,00 €
SET 5	Trineo con renos como elemento separador.	1		14.100,00 €
SET 6	Carrusel	1		10.400,00 €
SET 7	Farol caixa de correos	1		2.100,00 €





SET 8	Bolas de gran tamaño decoradas	1		1.700,00 €
	Tepe de céspede			
m2	Tepe en rolos de 120x40	350	4,63 €	1.620,50 €
	Arena lavada canteira			
Tm	arena lavada FINA	223	9,75 €	2.174,25 €
Ud	Transporte Camión basculante 20 Tm canteira < 30 km	14	58,07 €	812,98 €
	Ancoraxes e outros			
Ud	Cables, tensores, anclaxes, mortos con peso	1	606,72 €	606,72 €
	Arborado (abetos en cepellón reutilizables anos posteriores)			
Ud	Abetos con cepellón 3/4 mts	3	90,49 €	271,47 €
Ud	Abetos con cepellón 2/3 mts	9	22,74 €	886,86 €
Ud	Trasporte arborado (precísanse 2 trailers)	2	629,06 €	1.258,12 €
	Vehículos especiais "colocación e retirada arborado"			
h	Camión guindastre 15 mts. (2 día montaxe + 2 día desmontaxe)	32	56,42 €	1.805,44 €
h	Camión guindastre con bivalva 8 mts. (2 día colocar + 2 día retirada) para arena	36	42,58 €	1.532,88 €
h	vehículos pequenos , tipo gator , furgonetas.	3	159,72 €	479,16 €
	Xardineiros para montaxe y desmontaxe			
Ud	Horas xardineiro (3 xardineiros x 5 días montaxe, 3 xardineiros x 3 días desmontaxe) .Todos xornal completas de 9 horas .	261	17,03 €	4.444,83 €
Ud	Horas de encargado , supervisión dos traballos	37	20,34 €	752,58 €
	Imprevistos			
Ud	Partida alzada para imprevistos	1		8.264,46 €

Orzamento de execución por contrata	111.570,25 €



CONCELLERÍA
DE
COMERCIO

CONCELLO
DE VIGO



EXP: 4526-106

21%IVA	23.429,75 €
Total	135.000,00 €

NESTE PROXECTO ESTÁN INCLUÍDOS:

- A instalación, montaxe, desmontaxe, mantemento, vixilancia, reposición e deterioro por vandalismo... de todos os elementos do Nadal (vexetais e non vexetais).
- O sistema de suxeición dos elementos que permita o perfecto estado destes durante todo o período do Nadal.
- Todas aquelas actuacións necesarias (incluso aquelas que non están contempladas no proxecto) para a posta en servizo deste proxecto.



Copia auténtica do orixinal - Concello de Vigo

Data impresión: 10/08/2017 12:06

Páxina 11 de 15

Aprobado en Xunta de Goberno do 10/08/2017

Código de verificación: 22E44-8454C-52E54-5E2BB

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



ANEXO I

PRESCRICIÓNS TÉCNICAS DE SEGURIDADE DAS INSTALACIÓNS ELÉCTRICAS

- Os traballos eléctricos, que corresponden á empresa adxudicataria, realizaranse por un instalador autorizado en baixa tensión.
- A instalación deberá satisfacer o "**Regulamento electrotécnico de baixa tensión**" e as súas instrucións complementarias.
- Trátase dunha instalación eléctrica "temporal eventual", asociada a un evento de pública concorrencia.
- Se se desexa realizar conexión á rede eléctrica, deberá realizar petición de subministración á compañía distribuidora de enerxía. En caso contrario, deberá proverse un grupo electrógeno insonorizado.
- En todo caso, antes da posta en marcha da instalación e en función da potencia instalada, deberá realizar os trámites de legalización ante a Consellería de Industria. Iso pode requirir a presentación de Certificados CIE, proxecto eléctrico o memoria técnica de deseño, certificado de dirección de obra por técnico e acta favorable de Organismo de Control (OCA).
- Durante a celebración do evento, nas horas de funcionamento, deberase dispoñer dun retén de mantemento que emende calquera deficiencia que afecte o funcionamento.
- Os traballos de conexión e desconexión deberán realizarse de acordo á normativa vixente en materia de seguridade laboral.
- Os horarios de acesos serán definidos polos responsables municipais. Durante o horario nocturno, será conveniente establecer unha iluminación de seguridade.
- O adxudicatario remitirá copia de toda a información de carácter técnico asociada á contratación da subministración eléctrica.
- O horario de acendido da iluminación decorativa e equipos de son será decidido pola propiedade para cada instalación en concreto.
- Serán por conta do adxudicatario todos os gastos correspondentes á execución das instalacións, a súa legalización e posta en servizo, así como toda a documentación que sexa necesaria para a súa tramitación.
- Quedan excluídos os gastos derivados por consumo de enerxía eléctrica, que serán por conta do Concello de Vigo.





ANEXO II

PRESCRICIÓNS TÉCNICAS DE SEGURIDADE

MEDIDAS DE SEGURIDADE E MANTEMENTO

Ademais do obrigado cumprimento das normas de seguridade recollidas nos anexos anteriores, o adxudicatario estará obrigado ao cumprimento das seguintes:

- O material para empregar será hidrófugo e ignífugo. Todos os materiais que se utilicen deben cumprir a normativa de seguridade e hixiene.
- As pezas que se instalen terán que estar ancoradas nun soporte sobre unha resistencia para que non afecte o pavimento da praza.
- No caso de que a empresa adxudicataria subcontrate a realización dalgún dos traballos, poñerá en coñecemento do Concello.
- Todos os elementos deberán manterse en perfecto estado durante o tempo en que permanezan instalados.
- Contarase con un ou varios equipos amplificadores de son para ambientación musical.
- A empresa adxudicataria deberá presentar un seguro de responsabilidade civil con **cobertura mínima de 500.000 euros** para facer fronte a os posibles danos que se produzan a terceiros.
- A adxudicataria deberá de presentar un Plan de Seguridade.





ANEXO III

CONDICIÓNS DE SEGURIDADE E SAÚDE

O adxudicatario comprométese a cumprir todas as obrigas que se lle impoñen ao empresario nas distintas leis de aplicación e toda a regulamentación e normativa en prevención de riscos laborais, entre outras:

- Lei 31/1995, de prevención de riscos laborais
- R D 171/2004, polo que se desenvolve o artigo 24 da lei 31/1995 de prevención de riscos laborais, en materia de coordinación de actividades empresariais.

En todo caso, a subcontratación polo adxudicatario, de subcontratas e traballadores autónomos para a execución da obra ou servizo obxecto deste prego, estará suxeita á lexislación vixente e ás condicións establecidas polo Concello de Vigo.

CUMPRIMENTO LEI 31/95, DE PREVENCIÓN DE RISCOS LABORAIS:

A todas as empresas (contratistas e subcontratistas) que interveñen nas obras de instalación éelles de aplicación a **Lei de prevención de riscos laborais** (LPRL) e o **Regulamento dos servizos de prevención** (RSP)

Pola súa banda aos traballadores autónomos éelles de aplicación o **art. 24.5 da LPRL**.

Por tanto, o contratista adxudicatario, así como os subcontratistas e traballadores autónomos que á súa vez contrate, cumprirán a actual lexislación en Prevención de Riscos Laborais, incluíndo no seu Plan de Prevención, a avaliación de riscos e o Plan de Medidas Preventivas adecuados ás diferentes unidades construtivas, oficios intervinientes, maquinaria a empregar e medios auxiliares da presente obra.

COORDINADOR DE SEGURIDADE E SAÚDE EN FASE DE EXECUCIÓN:

Cando na instalación interveña máis dunha empresa, ou unha empresa e traballadores autónomos ou diversos traballadores autónomos, o promotor, antes do inicio dos traballos ou tan pronto como se constate dita circunstancia, designará un coordinador en materia de seguridade e saúde durante a instalación, mantemento e desmontaxe dos elementos.

Polo tanto, o contratista adxudicatario deberá comunicar ao responsable do Concello que nas instalacións vai haber subcontratas e/ou autónomos, previamente á subcontratación, para a designación por parte do Concello de Vigo, do correspondente coordinador de seguridade e saúde durante a execución destas.



CONCELLERÍA
DE
COMERCIO

CONCELLO
DE VIGO



EXP: 4526-106

COMUNICACIÓN DE APERTURA DO CENTRO DE TRABAJO:

A comunicación de apertura do centro de traballo deberá ser previa ao comezo do servizo e deberá expoñerse na instalación en lugar visible, manténdose permanentemente actualizada.

O contratista deberá realizar a **apertura de centro de traballo** antes da prestación do servizo e remitir copia inmediata ao Concello para autorizar o inicio deste.

*** TODA A DOCUMENTACIÓN ACREDITATIVA DO CUMPRIMENTO DAS CONDICIÓNS DE SEGURIDADE E SAÚDE SERÁ PRESENTADA AO RESPONSABLE MUNICIPAL, ANTES DA PRESTACIÓN DO SERVIZO, PARA QUE POIDA DAR A CORRESPONDENTE AUTORIZACIÓN.

O xefe da Área de
Servizos Xerais

Álvaro Crespo Casal

(Asinado dixitalmente)

CONFORME do concelleiro
delegado de Comercio

Ángel Rivas González

(Asinado dixitalmente)



Copia auténtica do orixinal - Concello de Vigo

Data impresión: 10/08/2017 12:06

Páxina 15 de 15

Aprobado en Xunta de Goberno do 10/08/2017

Código de verificación: 22E44-8454C-52E54-5E2BB

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>